

Schule trotz Corona Scola malgrà corona Scuola malgrado il corona



Amt für Volksschule und Sport
Uffizi per la scola populara ed il sport
Ufficio per la scuola popolare e lo sport

Info 12, 7 settember 2020: manaschi onn da scola 2020/21



A persunas d'instrucziun, mainascolas e cussegls da scola

Tut segund il svilup da la situaziun da COVID-19 èsi pussibel che singulas scolas en Grischun sun sfurzadas d'introducìr quest on da scola 2020/21 per in curt temp instrucziun a distanza. Las dumondas e respostas che suondan tractan questa situaziun. Las respostas sun vegnidas confirmadas da l'uffizi per la sanadad resp. da la media chantunala e servan a las scolas sco agid da planisaziun. Las respostas valan, premess che na vegnan betg relaschadas prescripziuns superiuras causa midaments da la situaziun.

Dumondas dal manaschi da scola

Co as po evitar la reintroducziun da l'instrucziun a distanza?

Respectar las mesiras da protecziun tranter creschids en scola (p.ex. 1.5 m distanza, 15 minutas) es fitg impurtant per evitar mancanza da personal per l'instrucziun e la surveglianza d'uffants. Il manaschi da scola cun instrucziun da preschientscha dess vegnir mantegnì uschè ditg sco pussibel (p.ex. cun metter ensemen classas, remplazzaments). Instrucziun a distanza per entiras classas, partiziuns resp. scolas duess be vegnir realisà da maniera pragmatica, là nua che l'instrucziun da preschientscha n'è pli pussibla or da motivs medicinals u organisatorics.

Era en famiglia ed en il temp liber èsi essenzial da resguardar las mesiras da protecziun per franar la derasaziun dal coronavirus. Qua èsi impurtant da dar tschegns/tips a las scolaras ed als scolar e da cultivar ina buna comunicaziun tranter scola e chasa.

Cura vegn en dumonda l'instrucziun a distanza?

A basa da lur incumbensa decidan la media chantunala resp. il team dal contact tracing tgeninas mesiras che vegnan prendidas dal punct da vista medicinal e tgeninas persunas che ston ir en izolaziun o quarantina. Latiers vegn mintga cas examinà individualmain.

Il purtader da scola sto organisar l'instrucziun a distanza per singulas classas resp. partiziuns ubain per l'entira scola en cas che l'instrucziun da preschientscha n'è betg pli pussaivla. La realisaziun da l'instrucziun a distanza duai succeder segund las circularas 'Scola malgrà corona' (spezialmain nr. 1, 2 e 5).

La persuna responsabla da l'inspecturat da scola sustegna la direcziun da scola tar dumondas dal manaschi da la scola.

Quant ditg ha il purtader da scola temp per sa preparar sin l'instrucziun a distanza?

Sin basa da las experientschas da la primavaira passada duai quai esser pussaivel da cumenzar cun l'instrucziun a distanza entaifer curt temp. L'instrucziun na duess per regla betg crudar ora dapli che in di.

Sto il purtader da scola porscher ina surveglianza, en cas che l'instrucziun a distanza ha puspè lieu ?

1. Istrucziun a distanza ord motivs medicinals

Vegn ina classa, partizun ni scola messa en quarantina, na sto il purtader da scola betg metter a disposiziun ina surveglianza. Las scolaras ed ils scolars sa chattan en quarantina, ston star a chasa durant il temp prescrit e vegnir survegliads là privat.

2. Istrucziun a distanza ord motivs organisatorics



Il purtader da scola na po betg organisar l'instrucziun da preschientscha ord motivs da mancanza da personal. En quest cas sto il purtader da scola cun scolina e scola primara organisar ina surveglianza durant l'instrucziun a distanza - per famiglias che na pon betg survegliar lur uffants privat. Ina annunzia al purtader da scola cun numnar ils motivs, daco che ina surveglianza privata n'è betg pussaivla, è obliganta.

La surveglianza sto vegnir porschida da glindesdi enfin venderdi durant il temp da l'urari da scola ed era el rom da las structures dal di ch'èn vegnidas elegidas a l'entschatta da l'onn da scola. Ils purtaders da scola èn dumandads da porscher schliaziuns individualas e pragmaticas. Per ils uffants che fan diever da la porschida da surveglianza pon ils purtaders da scola era pretender, ch'els prendan cun els il da mangiar.


Èsi planisà in obligatori da mascra per il stgalim secundar I?

Sa basond sin la situaziun epidemiologica actuala ed il stadi da la perscrutaziun n'è in obligatori da mascra betg planisà.

Scleriment tar dumondas da sanadad (correspunda info 11 scola malgrà corona)

1. Per dumondas medicinalas generalas ni tar sintoms: **medi / media da chasa** ni ospital regional
2. Video ed ulteriuras infurmaziuns tar **Contact Tracing** 
3. **Post d'annunzia** per entrada en il pajais ord in territori cun pli aut risico d'infecziun 
4. **Infoline** per personas ch'entran en Svizra tar dumondas medicinalas: +41 58 464 44 88 (mintga di 6 fin 23 uras)
5. Per ulteriuras dumondas davart la sanadad en il **context da scola** sa volvan geniturs e personas d'instrucziun a lur **direcziun da scola**. Quella contactescha l'inspecturat da scola districtual che è responsabel per la triascha ed enviament a l'uffizi da sanadad / a la media chantunala.

Scleriment tar dumondas dal manaschi da scola (correspunda info 11 scola malgrà corona)

1. Per dumondas generalas faschai p. pl. vinavant stim da las comunicaziuns e dals documents da l'Uffizi per la scola populara ed il sport: **scola malgrà corona** 
2. Dumondas che pertutgan il manaschi da scola èn da responder dals **responsabels dals purtaders da scola**.
3. Per ulteriuras dumondas che pertutgan il manaschi da scola as vulvai p. pl. tar l'**inspecturat districtual**. Dumondas da personas d'instrucziun e geniturs che pertutgan il manaschi da scola pon vegnir drizzadas via direcziun da scola a l'inspecturat districtual.